



成化間蘇材小纂

鄰後進

弘治改元夏詔中外諸司纂凡事物

先朝上史館為實錄

移文俾事、人物

傳狀無必研覈損益於時回饋

覽先進行治風槩瞿然豔纂然而書登祕地耳目

乘

私復纂紀頌為慙齊其辭元功異列

細德靡佚或亦微施消息前之却之若夫市朝之捷
非斯所敢是故依違婉言不復條達要令志善為本



私頌箱笥宜助思齊而已如先叅政家有專錄而後
非國書亦不敢以詮而潤之爾其歲除日己未序

卷第一

簪纓纂一 一人

武功徐公

卷第二

簪纓纂二 二人

都憲韓公 葉文莊公

簪纓纂三 三人

大司寇俞公 練侍御 太守盛君

卷第三

簪纓纂四 九人

僉憲劉公 劉大叅先生 陳祭酒先生

太常夏公 憲副張公 陳先生

進士二顧奚三君

簪纓纂五 二人

徐大叅 陸大叅

簪纓纂六 二人

吳大叅

陳念憲

卷第四

丘壑纂

六人

杜潤孝先生

陳公

二沈隱君

邢

俞君

孝德纂

一人

朱孝子

女憲纂

三人

王妙鳳

高氏

陸淑清

方術纂附

二人

張御醫

王公

成化間蘇材小纂第一

簪纓纂一

徐公諱珵更諱有貞字元王吳鳳凰鄉集祥里人也

幼質夙傑少長在京師從吳文恪公訥游隱有經世

之懷論說每與人各趣文恪謂曰子欲仕乎與俱見

胡祭酒文穆公儼請授經於是時胡公以事稱病卧

土牀伏枕鼎人語見公易其孱少試令為詩篇 篇

成甚奇峻胡公蹶然起繞牀行呼曰徐生鼎鉉器也
留之授業期月已了了宣德甲寅中進士詔簡公等
績學翰苑紹文帝時故事號庶吉士數視列宿久之
上御便殿召見廿八士試其文第公一即日授翰林
院編修館閣名鉅三揚二王之流以文為公重公自
以士為學以為世耳文藝餘未惡足限稱我因肆力
綜討天官變異地勢夷院軍謀陳形河渠陰陽方畧
咸求通悉古法宜合用今或問公職詞墨諸此類何
意事之公曰此孰非吾事一日國家用我以此此可

辭未之學耶於時學之當不脫矣 宣宗崩與脩實
錄尋詔修玉牒遷侍講正統之世公謂久治安朔虜
必將患中國外懷中堅應先時發計爾 上疏備言
之數千語悉馭戎精算殆無餘落者 上嘉納之已
已之變京師戒嚴朝計分遣文臣守要害錫璽書俾
行巡按御史事公得河南公視敕言于執政必得便
宜行事竟易書以行既至作鎮於彰德時民間變相
帥竄匿山谷公馳騎往招之徵發郡縣得民長吏以
從令為好語諭啓民歸意民相報告出山谷旬日遷

就家井已數萬人公遂糾義旅為京師聲援至者多
太行群盜公日閱察浸以孚順公親教之坐作進退
擊刺之法使自團結不籍其名於是諸頑改習犇躍
願為用居無何虜遜京師解嚴公召還景泰元年為
經筵講官明年陞右春坊右諭德仍兼侍講會河訣
張秋沙灣先遣治者率築其決水大至築輒壞更七
年績用弗成饒路梗絕役卒殘敝朝廷集群臣論中
外隱抱材略諳達水利者遣主河事大臣進公詔遷
左僉都御史以往於是運河枯涸舟筏不通公來當

冬時水忽大發人誰唱為神水公檢點役徒語屬吏
河事當積歲可辦彼數万億卒吾弗能用宜解遣休
歇吾與之期使來又以積勞驟散且梳亂生他虞因
量度地里漸遣之乃自乘小舸究河原流踰濟汶沁
衛瀕沁循大河導濮范還昉度地行水前遣卒且依
期來乃上疏言平水土策在知天時地理人事天時
既經地理既緯人事乃究夫水之性可順以道不可
逆以湮禹之行水用茲理耳方今治者徃々反是治
所為難臣循覈河理自雍而豫出險固之夷斥勢已

濫肆又由豫以充土益疏水益肆而沙灣東大洪口者當厥衝於是決焉以奪濟沒入海之路而去諸水後之以泄隄以潰渠以潑潦則溢旱則涸此漕轉所為阻者然欲驟而聖則有不可故潰益淤益淤莫之救定反成洚汎臣今措畫惟宜首疏水勢平乃治其決上乃濬其淤因繼為方以時節宣俾其後七溢涸之患法必為是當可有成詔惟公自用乃作壩埽埽渠隨宜先後之埽以制水渠以分水渠起金隄張秋之首踰百里至于大豬之潭越范暨濮又上數

百里經澶淵以接河沁用平水勢隨平命渠曰廣濟埽曰通源渠有分合埽有上下凡河流旁出不順者堰之堰有九長袤皆万丈於是水不東衝沙灣更北出濟漕河之涸治既成緒乃作大堰其上捷以水門繚以虹隄堰之崇三十有六尺其厚十之長百之門之廣三十有六丈厚倍之隄之厚如門崇如堰而長倍之用平水性亦平乃濬漕渠至數百里復作埽于龍灣魏灣八積水過丈則放泄之都通古河以入于海又以金水子母之義沈玄金為物象幾万斤

鎮定焉及三年而功成始治者有發京軍疏河之議
公奏蠲濱河民馬牧庸調專役河防省兵費紓民力
方工時或沮于上以工人部聚衆挾兵若勞將有
佗變上下其言于公條布釋上疑上悟不問
前後勞諭數四委倚不移凡水功之就皆以
信力也國家至于今賴之公歸擢左副都御史七年

景皇帝大漸天位未定廷謨乖異公意在復辟
顧未待可共事撫機以遲會都督張軆張軌武清侯
石亨太監曹吉祥等咸抱此懷奄武昧經權不識故

事扣之許學士彬曰許社稷功也然而彬老矣經濟
材略今日莫如徐元玉卿其國焉亨素日善公意遂
訣天順元年正月己卯夜亨軌純公第微布大意公
曰太上皇昔出狩赤子之故非游畋也今天下無
離心女能奉以復辟此天人同符也古人固有之遂

互陳籌畫或曰公云特不知高宮聽此意邪
亨軌云兩日前有陰達者公言是則

伺得審報乃可發議然傳聞未委然否亨軌去二日辛巳夜復造公請

計或曰後二日夜亨軌來言
報得矣乃詣討未委然否公升屋覽步乾文亟下

拊亨軌時在今夕不可失因復切、密語定規算不

知所云如何微聞亨軌小語今虜騎薄都城奈何公

言造可乘此聲備以非常內兵內中亨軌唯或曰公急

呼家人割雞盃酒中亨或曰公急亨軌倉黃出公焚香祝天

訣家人曰事成社稷之福不成家族之禍吾行矣歸

邪人不歸鬼矣取鐵杖運習少之獨去與亨軌軌吉

祥及鴻臚卿楊公善會收諸門鑰夜四鼓開門納兵

或近三日千人直官衛士驚愕不知所為有出入者兵輒叱

止之納喊震嚮遠近兵入盡公命復鎖諸門取鑰匿

水竇中并亨等無令知兵行天色沈晦亨等惟惑公

大呼鼓進之曰時至矣勿退遂薄南宮城門鐵錮窄

密扣不應俄聞城中隱然門門聲或曰公命取巨木架懸之舉擊門復令勇

上諭傭人與外兵合毀墻乃懷門啓城中黯然而無燈火亨等入

大上燭下獨出亨等俯伏合聲請 陛下登位公

命兵士舉輿來或曰士驚顛莫能舉公自挽之前遂掖 太上登輿

及 皇后皆行或曰公自挽太上興忽天光昭朗月星爛然

太上願公曰卿為誰公對都御史臣徐有貞 太

上既出遂升奉天殿或曰行時太上命公密迎屬車至殿上公猶在車前失退武

士因擊公一椎太上北未委啓否 太上升座或曰 扆座在殿

中未 父之辨色 或曰 太上顧公曰 此事卿為之

然否 手朕失過 卿失蓋 上前在經 廷 時識公：未遷 官與 更名故至是始知之 鼓鐘鳴群臣入惶惑不審及殿

下始知為 上咸驚且喜羣情謚然即日陞公翰林

院學士掌文淵閣事 景皇帝聞聲鍾問左右誰邪

或曰于譙邪 未委然否 左右對 太上皇 景帝曰哥：好：

癸未陞兵部尚書二月陞公柱國三月癸酉封為

武功伯錫鐵券文曰朕惟褒有功顯有德國家之令

典天下之大經也若夫定策以安宗社代言而贊皇

猷自古為難於斯乃得眷惟文武之全才宜典鈞樞

之重任咨爾兵部尚書兼翰林院學士徐有貞才堪

華國道足經邦資弘毅而秉忠純貫天人而通今古

蚤擢賢科首登制舉管自先朝貽于朕用史館秉春

秋之筆經筵陳仁義之言作鎮北州已展勤王之偉

略治水東郡復成績禹之神功由是叙長憲臺總司

風紀迺者姦臣謀變社稷幾危賴爾忠誠以定大策

遂能擁戴朕躬光復天位乃自中丞之職進兼司馬

之權采展論思升華眷密謨猷且善啓沃良多夫既

屬以心腹而任之股肱是宜翊其勲勞而胙之茅土

爰錫西周之世封用承東海之宗祐茲特封爾為奉
天翊衛推誠宣力守正文臣特進光祿大夫柱國武
功伯食祿一千一百石子孫世襲指揮使仍與爾誓
除謀逆不宥外其餘雜犯死罪本身免二死子免一
死以報爾功仍命爾兼華蓋殿大學士掌文淵閣事
於戲宣中外力朕惟用爾以功左右納忠爾惟輔朕
以德居黃閣而兼典戎機信乃禁中之頗牧直紫宸
而彌綸國體允惟王室之甫申尚匹休於前人用勉
榮於來裔永崇世祿光我命封欽哉復授誥命文同券

語弁封三代皆如爵又賜章服玉帶一日數接使命
絡繹于道上往々仄席佇伺或不時赴使還以脩
容對上亦不還宮申召再三必致見之見輒欣俞
慰勞恩密如家人父子錫賚蕃庶恒若不及公感遇
奮激自為魚水投結將以躬獨任國家生致堯舜條
建剴切無復顧慮言無弗內施行若流一時威權震
赫百僚畏忌而同功曹石等始媚惡之初朝廷批
旨皆出閣臣調進旨橐留閣中號絲綸簿其後宦

時收簿祕內公告上如故事還簿於閣宦者

權寢衰嘆公曹石等有所私謁公多不從陳請恩異

每復諫止節縮遂皆同情嚙志

或曰一日 顧左右令御用監作

條壓紉與徐有貞壓紉者謂細窄玉帶也左右去

上偶入監見方造一帶完 上問將賜誰左右對曹

欽 上言且將未與徐有貞徐有貞窮秀才無錢買

曹欽可再作與之欽聞謂 上業已賜奴乃更奪與

邪不勝怨與 會御史楊瑄劾亨吉祥侵奪民田諸事

諸人同銜之

中批宥亨吉祥又謂瑄敢言俾吏部記其名亨吉祥

言此出徐筆記瑄何意 當不在我曹乎且瑄之劾

亦徐指耳繇是憾益深

或曰曹欽入哭訴 皇 太 后徐有貞將殺奴曹笑 太

右姑慰 然閱 上意不能諧想以諸閣 同嘆因使巧

謗公數為險詞觸 上上殊不為動 上多屏人與

公語閣人令小豎伏案寧後屬耳或得竊聞之乃告

上上某日有某事某語云云 上寧有之乎 上

問何自知之左右對此有貞宣諸人上大驚我此語

獨有貞一人當真是其發邪左右言寧獨是

上前後語有貞有貞無不揚播之 上自是疑公寢

事形迹回思鄉日逆心語眷轉衰亨吉祥等輩乃益

納隙進讒類合 上疑忌旨久之 上愈益惡之夏

六月亨吉祥因竊造封事危語誹謗朝政假給事中

李秉彛名上之時秉彛已去國法司逮至訊之不勝
若毒而死曹石因言此徐有貞怨望使所密馬士權
等為此而假託以城迹耳遂捕公及家屬并士權等
下獄雜訊之 上雖怒猶念公第貶 為廣東左叅

議絕出國門亨吉祥急告變激 上上令復追公下

詔獄比入禁中適有風變

或曰公至內已晚因繫宿直房下明日方欲入忽天

地冥暗烈風大作後宰門闕折承捕千戶為風吹旋仆地起則懷中揭帖失去莫知所之因更造以入

至殿廷中未 上曹欽等從中躍出蓋將遂死公

上顧見急召指揮達口授數語達趨下墀呼從士

曰帶徐有貞入衙門我還自問之蓋受 上寬恤旨

已乃引公與偕出就門下痛杖數十引去

未審何門復痛

治之與家人士權等悉受苛考楚酷極甚皆瀕死數

四終無驗狀士權尤被虐因曰今欲吾等何所承邪

邢官曰徐有貞欲作逆與汝三人同謀先為此以惑

朝廷耳士權大呼曰徐有貞欲使 今皇帝為堯舜

之君今百姓為堯舜之民如此而已不知其他刑官

不能折如是半月獄卒不成適承天門災 上大感

寤宥出公以前券語出公自撰有纘禹之語禹為帝

王而云纘有不臣意

或曰又以公之封

上令自

操傾慕漢室公出此亦

應有異懷無人臣禮 舉此為罪安置金盞為民公

受詔怡然就道至滇南寓處僧廬陋室中屏絕世念

惟綜玩易理嘗語人吾平生之學獨於易有深得云

時有奏金盞守臣胡某不法事迎權臣意辭連公

上不問後數思公輒欲召數為相李賢沮之居三年

上益念之特詔使還田里

或曰其終又決欲召勅

以又崩遂下

公家居卻掃罕見顏面自稱天全居士

先皇帝即位詔賜公章服閒居成化壬辰七月癸

丑以疾卒年六十六公質幹短小精悍目光爛射

物音聲清越若金石好談辯今古無窮辭自視皦然

遇鄙夫簾人蔑棄弗少留矚以為彼自不當吾意吾

自任吾意不能強合曲附也故方顯遽斥賞不塞罰

而仕流莫歸公譽更生仇毀晚歲放迹湖山縱情烟

霞之賞妓樂歌嘯風趣超逸輝照巖谷望之若真仙

下游古賢復出然念朝廷恒懷隱憂平生意氣所

寄寓存物外探秘剔幽莫非奇致嘗買地包山之岨

有冲昇之想焉

公嘗帥徒入林屋洞東距行

性喜夜

燒燈與客坐語徹曙無勸狀或孤步遐遊若有遇奇
流至人下視污濁糠粃如浼耳仕迹所至尤多建明
在彰德問父老得岳武穆飛先墓于湯陰為設祝作
義旅氣又請建廟祝飛治河時行視鄒魯間奏復前
元賜顏孟二氏田沒于官者更益之恚畀二嗣人供
祝其學自經傳子史裨虞百氏天文地理脯竺醫藥
星祿風鳥異術無所不通文章雄偉奇麗一代宗匠詩騷
豪逸效李翰林書法道駿得率更南宮風骨所著詞
賦詩歌封疏雜文通若干卷別有史斷未見贊曰皇

皇盛業手英宗之復辟公斷之考篤恭其社稷之臣
矢手方是時一二夫克知之才力弗戡拊幾沉潜公
援搗權麾霍數武人謨完力盈不崇朝以定其才
焉可誣哉始特蒙沐渥異公典甚明讒邪遮蔽愬搆
百出卒不免流放之禍悲夫甚哉小人之能頃人也
哉夫小人之構既也媚嫉以為己利彼稱莊亮亦不
為是比同一辭何也嗚呼所為人媚疾者豈獨寵
位哉又豈獨寵位哉信處盈之難矣夫

成化間蘇材小纂第二

簪纓纂二

都憲韓公

韓公雍字永熙長洲人

公本姓金父後韓氏遂從之

年十九第進

士二十授監祭御史風骨凜然數糾彈樞倖樞倖欵

迹出巡南甸碭山學官管膳夫、逸夫父得它屍誣

學官公緝得夫以抵罪轉巡江西 閩鄧茂七反御

史汪澄牒公來勦尋得旨招撫更止公、謂律有反

叛會捕賊降何傷我兵不降有備趣進兵巡按浙江

黃英奉敕調兵弗集乃誥牒止軍故奏坐汪死人咸
糾英而偉公廬陵諸縣盜繼起討平之代還陞廣東
按察副使陳閣老循薦擢右僉都御史撫江西俗多囂訟
微行縛武斷一魁按殺之宿習為清聲績益振天順初
有除舊布新之議改山西按察副使尋逮繫至京亡
所加罪就釋遷大理少卿轉右僉都御史盜四人臨
訣號寃辯之信為戒死倪學士謙為怨家誣寘重典
爭免之武弁交后亨當朋黨籍沒律公曰彼一飯享便
擬此加此者復何擬為且朋黨兩語晚漢以此盡萎賢

哲今明聖之朝當倡斯議邪卒改擬丁艱起復巡撫
大同宣府劾庸將築墻牒按括隱卒分田給種課歲
入為兵馬賈備朵顏寇獨石擊走之召為兵部右侍
郎坐事出叅政浙江成化元年廣賊據大藤峽肆暴
掠倡甚 上命都督同知趙輔為征夷將軍右都

督和勇為遊擊將軍未得總帥尚書王公彊奏非公
不可即改左僉都御史往南京會二將議兵鄉衆謂
賊按根本毋計其流末所在遂行抵廣西委都指揮
鄒宏榮應總兵范信東委叅將孫震都指揮彭倫分

守潯梧興安斷賊要路又檄湖廣守將都督僉事李震嚴備賊逆遂進全州五葢偏師平陽峒等處群獠又進桂州縛前失機將斬之軍氣振肅諸校欲即攻峽公曰修仁荔浦為賊羽翼賊見我師新勝必據險固守須先勦修荔以奪峽賊之氣從而直擣腹心賊畏縮不暇支持必就撲滅然後乘勝長驅分殄逋孽期於汎滅耳乃分兵為二十五哨以和勇及都指揮高端領左哨叅將孫麒右哨都指揮葛宗蔭彭倫南哨公與趙輔歐信主中哨兼殿後各授籌略九月庚申出哨遇賊輒戰旬月凡數十戰無不克捷修荔已破十一月次潯州增餼糧除器械直抵大藤或謂峽險甚不可攻可守公曰峽圍六百里雖倏忽得兵數萬度可圍匝不今我軍已壁其地棄弗急擊一失可復得至邪遂速布諸哨持開山斧破石通道直搗山南賊巢餘師由山北古眉雙髻取道十二月甲戌朔諸軍四面夾攻別遣兵斷諸山口賊聞兵來置婦女積聚於桂州橫石寺塘諸崖乃悉力出捍峽南排柵牢密滾木礮石鏢鎗毒矢下如注官軍草山仰敵公營

戰益急敵少息公覘其怠急奮擊之士用團牌扒山
虎壓二芭等器魚貫以進皆殊死戰無不一當百呼
聲撼山峽若崩賊氣奪公命縱火烈山烟焰蔽天日
晝暝賊大潰攻一日盡破山南石門大信道袍諸舍
老鼠寨嶺竹踏梁腦紫荆林峒沙田古營大寨等山
賊屋廬藏積皆楮日暮公命就營賊巢中衆乘之視
公恬然整暇咸恃以安賊既潰入橫石諸崖公飭兵
窮追破山開路行數日至其地賊上入九層樓等山
峯巒万重勢控霄漢絕崖懸壁林篠叢惡沾危險絕
非人所處賊樹柵數重用千斤礮石大木轉而下聲
吼若雷巖谷響怒弩矢雨下公誘使大發矢令人譖
陟絕巔覘賊發竭舉礮為應自卯及未賊發竭忽礮
震賊大駭公緣木攀蘿以升招衆悉上獲引蟻附漫
山奮擊連數日夜鏖戰數百合山北兵且至出林峒
與大兵合賊大敗禽誅万計委棄輜重山積餘黨悉
降巢穴蕩空公曰賊窮而降不保其終弗叛謀為控
制久策改峽名斷藤奏徙上隆州於峽內更號武靖

設土人知之從周冲靖寧二巡檢司于峽上下水以
備徵察增宣卿黃河司隆三巡檢副充以土人置藤
縣千戶所鎮攝境中犴犢事定刻石紀功山首而還
至廣西大享將士而先所遣將至廣東遵公成奠百
戰亦皆捷廣地悉平得大小峒寨九百餘前後俘馘
於廣西不可勝紀東猶四萬餘捷聞累詔褒勞遷左
副都御史提督兩廣軍務公請添巡撫臣二人從之
會丁父喪歸廷議兩廣地利害閔倚巡臣異權事機
牽掣非便宜當梧州襟喉置總府以制之詔可罷二
巡撫起公為右都御史總督兩廣軍務兼理巡撫公
疏求終制不允既至益築城增兵鑄鐵柱繫橋以遏
賊渡為木牌以驗編戶察間細無何以公事與中人不
協乞休遂罷歸天下惜之尋卒于家公長軀雄偉篤
人倫崇信義裁鑿超遠洞達無隱落、負大節具文
武才畧天下傾仰之每登高懷古沈毅激烈嘗登滕
王閣指顧慨然有安天下之志及在軍旅智勇並到
視千萬勅敵如小兒軍中畏之如虎諸蠻聞其名輒
自喪氣分敗號令明信無一人能犯將卒所獲人畜

即以予之裨校犯法應斬：在明日當端午射柳會
賂中人擇公：知夙生營引校斬其頭縣軍門合營
敗粟其威嚴懾人如此甚多不勝載

葉文莊公

葉公盛字與中崑山人始仕兵科給事中己巳駕蒙
塵請亟誅苞守失律將臣速戮兵復不共天之讐使
大義昭靈返正可期 景帝即位須賚廷臣以時艱
辭不許十月京師戒嚴請罷內府軍匠恣事征操胡

馬躡近郊又請餉給將士遣散卒取戎器於天津以
張外援形勢四日中䟽八上類合機宜虜退公言賞
罰為治要務靈耻復讐之頃其機尤急今效勞如孫
鐘死事如謝澤韓青及武興趙麟王晟輩倉猝慘酷
寧可不時刻峻賞其他守關不嚴赴難不力之徒何
至使偷生逾久今淹留如此何耻可靈何讐可復耶
從之十一月陞都給事中大臣奏留邊將守京師公
言今日之事邊關為急往者獨石馬營不棄則六師
何以陷土木紫荆白羊不破則虜騎何以薄都城由

茲審之邊防不固京師雖守不過保九門耳其如陵
寢如廟田里之民荼毒奈何今時上計宜急遣重將
堅守宣府居庸為便陳州流民煽動命公往視遂安
景泰元年春還言八府旱蝗加以寇鈔宜下寬卹補
護元氣支持外患不然為社稷憂八月虜奉 駕還
京將抵居庸有龔千戶遂榮為牒言 上皇之出為宗
社計今都人聞駕還無不喜僕迎復典禮當從豐厚
主上當避位必懇確引辭而後授之乃以不然恐
千載史籍難洗竄其名投之野公言千禮部尚書胡
公澂當亟封進見朝野同情可感動 上心都御

史王文以匿名書為沮公乃自疏奏之二年聞禁中
頗事遊畋請行 祖宗午朝故事從之三年遷山西
右參政尋命協贊獨石等處軍務公條馬營八城興
革八事上之第見罷行八城既復乃立學置醫開義
冢增創暖鋪請官銀粥牛千頭摘戍兵不任戰者予
之事耕歲課餘粟為軍中買馬除器勞功卹苦之需
丁艱去天順二年召為右僉都御史巡撫兩廣乞終
喪不許初廣東盜例不出境歲久鹽積商困往 賄

閔吏越之廣西私市公謂聽之利商而壞法禁之則商滯而利歸津隘因請許商計鹽輸米餉邊而後出境皆便之時西蕃流盜多入東境為害而南方守將勢敵自異不冝相通下故討賊無成功公請革兩省正將立總鎮于梧以統制之不果行公不得已乃請益師上命都督顏彪帥兵赴之彪與公協議破賊砦八百所禽斬數万人而還時有譏焉先帝初陞

左僉都御史巡撫宣府修復前所建官牛官田法墾地益廣積粟愈富以其餘歲易補戰馬千八百匹繕完屯堡數百所兵民始怨後乃息三年擢禮部右侍郎即五年轉吏部八年命視河套匿虜公往視上言搜河復城皆非計宜削邊垣益城堡募新軍以實邊而重擇土兵以助防守從之九年進左侍郎十年卒賜謚文莊公好古博學文章典則而雅志勲業操履清儉時望歸重然鮮引薦所著西垣奏草上谷奏篇水東日記菴竹堂集等通若干卷

贊曰後世士學必自孔氏孔氏列高第則四其科政學之兼茂者故鮮久矣韓業抗志勲華所統皦然

韓才天授葉學文勝韓之雄偉比于今猶令人震耳
目立毛髮何其盛哉

簪纓纂三

大司寇俞公

俞公士悅字仕朝長洲人質兒修挺面色如鐵聲若
巨鍾賦性嚴猛 文帝時自御史為湖廣按察副使
宣德中陞浙江右參政初蒞事猶無能諸姦嗤易之
人言俞參政來矣此其是耶既三日發竟隱伏指畫
若神諸酋破膽訴訟歸之如市正統壬戌倭奴入寇

乍浦瞰浦無城不可守奏令兵民合作百日而成陞
河南右布政使履任三日召為大理卿尋詔侍經筵
經筵理卿侍班自公始己巳陞右都御史留守京師
事平陞刑部尚書景泰初敕覈各營兵馬搜括巧匿
私縱殆盡陞太子太保尚書如故病告慰賜免參觀
扶病視事又賜一品誥及玉帶珍物公仕 五朝徃
得 君前後寵賚蕃複而性果材達吏治超振天順
初謫戍遼東成化初宥歸

練侍御

侍御練公綱字從道長洲人資質彊勁以鄉薦入太學景帝立廷事勅朝臣多不敢昌言得失公上中興要事八條十月虜迫都下又上勤王急務謂豕狼躡躅意非特如前日所為是將待我汴宋耳國家輿地倉庫兵甲越過宋氏然至李綱种師道姚古輩克辦大事乃不多見今者人心所倚獨干譙石亨二三臣耳乞降勅二人毋輕舉落賊計中伺虜深入則殺別將邊擊宗藩忠孝章著兼有才具者宜加採選俾會鎮守元將募義入援揚洪羅通諸人邊兵當令內向邀虜歸路簡命重臣分守都城九門以備衝突諸此施為要貴速決昔金人咲宋伺汝議定我在河陽矣今事稍緩則虜將太集環統京郭中外耗絕當時勤工大計以主之天下誰耶諸臣有仍主和緩武洎遷都以河為界者即姦人耳必亟誅安衆心疏奏上采納即日授監察御史尋命治淮鹽敕具即班中呼授之公對臣不才不敢奉詔上固之公曰宗藩國姻觸陛下法如何容臣奏理臣當黽勉承陛下委不然臣終不敢妄受依違傷損中正上亟曰從

汝命左右回敕益語更書如公旨先是牢盆蠹弊家
云難理諸姦聞公來皆先縮伏比至畏之如鬼神宿
患谿清駙馬都尉某擾法公搜其從艘得私醴繫其
下人飛奏于朝詞主都尉在上重違初言因從之罪
都尉褫冠服若干月事竣還朝彈擊益切何尚書文
淵與侍郎項文曜典銓失道公帥同曹劾罷之舉左
都御史王公翺右副都御史年公富南京大理寺卿
薛公瑄為代上以命王而年薛亦繼有峻陟始京
兵以有警多離次朝旨募四方民壯聚之勇敢營久
而多逋大臣嘗請治其罪以實赤籍法官將遂著為
例公言初募時喻以大義復許事定還寧今淹留既
久思渥來下而飢凍迫切勢必遷避耳其何罪且上
於大辟尚原之為軍胡至使赴義亡辜之民與為伍
耶失刑甚矣設更有募其誰則從又今日多事有司
徵逼已峻恐生他變上悟即遣歸民甲戌巡按
八閩官臺山盜起魁未獲脅從逮繫頗繁公立釋之
趣出兵部又追舊諸官守遂與衆廷初公之劾吏部
也按察司楊珏在黨珏噉公於是誣公于朝而文雅

故在部遂皆左遷公為邠州判官才抵任又擬移并
州前衛經歷部符未至己丁艱歸遂不復起公性過
嚴不肖少附麗憲盡言攻訐院中為之語曰歐蕪手
練網口

太守盛君

盛君昶字允高長洲人意度軒遠遇事直前亡過枉
景泰間為御史轄山東馬政值年饑請蠲民負孳息
轉按廣東黃蕭養乳後所在荆棘君巡行林谷施行
其職兼下他惠瀧水賊又起頗熾君單騎深入窟落
厲語布朝廷德意賊皆降歸朝劾侍郎搨稽不法抨
簡日露人不堪其直會內苑以翠羽飾龍 君率全
臺諫之語極峻兼及 上他隱事 上赫怒御便殿
召諸言者入 上據殿檻怒甚不能言第呼杖之杖
之君大言聞古有殺諫臣未聞杖諫臣陛下可殺臣
矣 上益怒久之叱出衆危甚明日皆左遷君得古
田典史天順初遷知羅江值歲暎禱而雨君曰茲非久
圖也乃教民鑿池千餘所民沐其利立生祠羅真觀
中既而盜趙鐸等万人流掠府縣君助上官武員討

平之遷知叙州府又遇戎瑛筠高土狃肆寇又助兵
官討之兵將北君在陳後突出衝擊兩耳皆著箭蓋

奮進賊忽駭亂披靡大潰遂克之

或曰賊視君藍面赤髮鬼神狀也遂

大驚潰未委然否

兵官等列上報未下以耳創甚疏求聞逸

數章徑歸朝廷遣使者持金繒楮鏹即其家錫勞焉

君有才渴而出入小德

贊曰三君舉所謂材更要於克官故不以業效廣狹

殊品矣俞既朝黜練亦鄉譏甚哉兄務為功名易戾

於中正乎

成化間蘇材小纂第二

成化間蘇材小纂第三

簪纓纂四

僉憲劉公

劉公珏字廷美長洲人弱冠太字况君辟府掾公乞
從儒守嘉獎克縣學生後士至山西按察僉事公修
身篤學動師古賢詩逼唐美比屬精切音旨清嚴書

效李北海趙魏公入妙品畫山水烟嵐草樹綿眇幽
迥有董巨餘意志不專功名而持操介朗襟幅皎然
初為刑曹主事莆田丞董漕贓露當公訊丞入賄黃
金十二斤公曰吾方厭辨丞：此自實矣丞速來押
招文矣即日實法在喪時鄰邑令受賕繫獄令私人
持五百金來投乞釋於巡察大吏公留私人將執于
官私人逸去公性履孝謹不失色於人女兄少嫠子
幼迎歸買田宅養之終身又嘗吮母疽得愈及休居
即第後創泉石花木委曲有法號小洞庭肆意幽賞
風流宛然

劉大參先生

劉先生昌字欽謨吳人幼讀書並下數行少長游學
郡橫入試高學士穀手先生卷示同事曰此必山林
老生以冠榜撤棘乃白首少年生成聳重焉先生名
遽通赫殿試衆望首先生大臣忌之落後賜進士出
身無幾告還益銳于業殖景泰初授虞衡主事與張
先生節之同徵修宋元史後史事不就進負外郎都
水郎中轉按察副使提學河南暨滿河南校官請留

先生中祕必能黼黻皇治裨贊聖化不報轉廣東左
參政下艱歸奪先生狀免充偉聽遠而微性自信寡
思一志文藝肆綜締細畜積甚盛諳記當朝故實尤
富文章綿茂華麗憲尚纂輯所撰著名六臺集以生
長歷仕之地有蘇越鳳相瓊滑諸古臺也外志事二
卷曰縣筭瑣探又河南志中州名賢文表添校蕭儼
編大明風雅廣選皆未竟初明興以來作者日富而
編聚鮮人乃力求彙訂稍成倫叙命為大明文要起
洪武訖成化得二十七帙可五十卷來者有志當為
權輿又有姑蘇郡邑志一百卷亦未潤色

陳祭酒先生

陳先生鑑字緝熙長洲人父為黃冠京師將亦遣先
生他日以事如浙東市儒書一箱歸父成其志先生
益得放意切磋少取進士第二授翰林編修撰使
朝鮮令妓女入侍先生為詩卻之累遷國子祭
酒與諸生溫然親切不更張條范特申飭舊師規式
度使可守而已錢穀出入一不綜問曰非吾職也故
事師生日給錢若干為欲食費其以事去不及給者

貯為公錢用之積久頗多前祭酒襄陵邢先生讓去時公錢已少無日籍交先生一生見斥先生欲中之法數妄告今日取公錢若干為某費先生從之明日又告取某費若干先生盡從之日久錢去益夥乃發於上以為二師竊入私橐先生就逮下獄邢君在喪中追繫至都或謂先生此甚易第從君分銷為帳冊法司可據出君先生曰吾本亡分毫染何事為欺君反自造罪邪朝人不善先生者從中醞釀之獄吏張具脅先生乃歎曰吾乃今日知刑官貴如此乎邢公對吏細辨先生仰天而咲吾官至祭酒孰能對此輩掉唇舌哉唯受擬竟落職歸田亡憾顏先生問學該博詞文簡麗書宗晉唐見輒臨榻及古器玩品嗜若飲食人以米糞方之

太常夏公

夏公昴字仲昭崑山人七歲能楷書永樂中以進士選庶吉士上曰太陽麗天日宜加永上因命改書作昴丙申扈還南都昭帝在青宮命公與朱舍人孔易秀才凌晏如同直東華門明年召赴北都書

宮殿榜辛丑授中書舍人洪熙中丁憂歸 童皇即位召見陞考功主事正統未出知瑞州府景泰中遷大常少卿天順改元遷卿致仕歸卒公作字馮竹一時擅聲

憲副張公

張公和字節之崑山人為人莊介嗜學敏於文業正統中廷對進卷亡所竄抹讀者竒其才請置首選以目疾擢首中 授南京刑部主事與修宋元史卒官山東提學參政

陳先生

陳先生顛字永之長洲人以舉人累為學師終陽武訓導清修介特士譽歸重文述古雅所著味芝蕉遺楚遊梁諸錄外有紀事四卷曰間中今古

進士二顧奚三君

三進士君顧珣字文之吳人性尚挺特專崇廣隅以親老歸養竟弗仕顧竝字惟遠長洲人有孝行奚昌字元啓吳人尤長時學初從先叅政受易又旁理詩書遠近士治三經來問業甚衆好吟哦家屢空不卹

也

贊曰數公敦尚文藝超軼俗塵憲令司成風槩
特副臬永之二顧含章執介然二劉之學或選攀古
雅或力勤輯次離之則獨步合之則連璧

簪纓纂五

徐大參

徐公輔字輔德長洲人仕終湖廣右參政性淳篤行
絕長厚略無刻忌之念治民鄉人咸稱君子

陸大參

陸昶字孟昭太倉人天順間為刑部郎中倜儻好客
且為燕席至者無問疏_以便相延欵時令慶吊饋醕
稠侈尤有弘度扶危周難施行甚廣時人擬為鄭當
時陳孟公時曹無廢務家無厚賞而_其為不變世稱
而訝之平生豪義事多不具紀

贊曰夫志尚出乎質稟無緣位地遷也輔德之厚孟
昭之廣亦各成其志也

簪纓纂六

吳大參

吳惠字孟仁吳人年十七代長行出應門戶知縣揚
隆奇之送增廣學生亡何中進士授行人使占城大
風起舟人分死海中公怡然製文諭神投洋中風浪
便息還經衛輝地大人寡流人耕食十五六官
司概定稅流者去輒徵補於土氓公為奏蠲濫額陝
地邊戎貢使至動百千心尤利供賚耳殊苦騷驛公
請令長酋入朝餘留境外省供設杜覘伺外憂起復
用廷薦擢知桂林民被劫訴之總兵官二少年抱敵
衣詣官首李某所裨官逮李等廿三人猛訊數月亡
狀公疑以白御史檄公與千戶郭聰更鞠聰言
賊已欵抑獄成總戎奚辨為公不可曰賊貨甚夥何
事市敝衣速敗手盜二少耳聰不得奪譖之御史
移就三司會審二少伏辜如公言李等獲解義寧峒
蠻楊文伯結湘苗煽亂二廣合議進兵公諫兵貴先
聲盡諭招弗順乃兵豈晚耶上司難之公請自行抵
賊所撫之翕定內艱服闋陞廣東右參政景泰元年
柳州夷瞰守將恣衆遠征乘虛薄城符七倫公帥土
兵出禦斬首百餘級賊狼狽逸去廣州沈家文許據

未行聞其人暴不可近欲絕之弗得去為尼出妄言
自詭有司論造妖家坐重辟六公洞知奏從輕典致
仕歸卒公留情篇翰而吏政可觀故纂諸此

陳僉憲

陳僉憲僕字汝翼吳人儋敏公從子也天順中為四
旬按察僉事時叙南九箐山都長土佬叛聚衆數方
出沒長寧戎瑛肆寇鈔殺守吏蜀人大警僉憲提兵
徃視形勢請濟師上命都督同知許貴將兵五万
來會討平之僉憲益蒐乘補伍增建關保請免緣邊
邑宜賓南溪江安納溪民兵松潘之戍以戍長寧戎
瑛罷建昌鹽井餽餉以專攻守事下所司未及施行
會夾江花溪盜起漢州德安彰明延亂內關巡撫陳
恭檄僉憲徃僉憲徃破降之功上未報而叙南猶弗
靖屬恭去汪浩來代浩乃與貴州鎮將李安合討之
既定而浩安有隙復為賊乘之撓亂上下詔詰責
浩強僉憲徃會貴帥議軍事家人諫止之不聽竟
徃還至峽江舟覆溺死或云賊戕之
賈曰無有職而不政無有政而不績惠僕之政亦與

墨：養資者異

成化間蘇村小纂第三

成化間蘇村小纂第四

丘壑纂

杜淵孝先生

杜先生瓊字用嘉吳人心趣貞澹風稟粹然薦孝淳
德亡慙古人生一月失父四歲記四言十歲通孝經
論孟疏義成童人便師之教授甚廣嘗封股瘡母疾
官欲上其事先生曰民為此以母疾迫切故非以行
禮也何上之有君侯或以風教為務章表母節則大
願耳守令感從之得旌其門每遇詔求賢輒辭公薦

居樂園里號東原生晚得鹿冠又云鹿冠道人為文
辭取達意不務奇麗有東原集紀善錄耕餘錄書體
道婉丹青遠詹少接國初名碩中為人瞻慕歲標致
益高垂範後壘巍然典刑為林壑之表年八十餘卒
門人私謚淵孝先生

陳公

陳公寬字孟賢吳人承父檢討嗣初之後善守家法
益恢張不衰不為文筆專意於詩苦效唐律旬吟月
諷自負門戶古服崇議出行鄉邦宛然古高士風像
季弟完字孟英家庭師友而頗為文辭

二沈隱君

長洲二沈隱君恒字恒吉美姿儀志履高潔風格拔
塵寓之吟繪天然秀妙時謂趙松靈同流伯兄貞字
貞吉風操相映學仙不就九十而終

俞君

俞自倚在宋由開封徙吳代承儒業歷宋元皇明三
代不匱元温州路學錄石澗先生琰國朝都昌令立
菴先生貞木允著也至君嗣之字振宗業雖不逮惇

朴遠利甘寒薄勤筆劄善樹藝猶存故法其後乃衰
賢曰放逸之樂二沈自得肥好之真杜氏以之陳子
區：詩長筆短風兒在舒賢愚興慕邢叟并絕婚宦
視世若旅古之儼考所謂苦節不可貞歟俞生綴旅儒
緒奄然就斷悲夫必也表裏名實一而不二今之唐
虞今之巢許也者其淵孝矣夫

孝德纂

朱孝子

朱孝子顥字景南長洲人父病孝子事之有禮不飲
不葷不內處不解冠服蟻虱滿裳積俵：肆市中若
狂及死廬墓終喪甲午下詔旌之
賢曰甚哉孝之為稱大矣人皆樂道之予列景南亦足以教

女憲纂

王妙鳳

王妙鳳洞庭東山民女許嫁吳氏吳父死母有污行
鳳知語母求絕昏母諭不可鳳入門孝敬無違失出
賈南楚汚：來姑計使免鳳見鳳不能教一日污飲
姑室姑命鳳來溫酒鳳志事污挈瓶出久不進在爨

室舉燎煬之以警汚：不去且入厨紛鳳臂挑之鳳
隨取刀斫此臂不殊再斫乃斷歸家母將訟理鳳曰
死耳世寧有婦訟姑者耶逾旬卒母鳴于官：為匪
人眩沮鳳寃迄不得申

高氏

高氏者嘉定狄阿先妻也配狄一月秋患癰疽高吮
之不瘡死高抱屍慟哭三日不內水漿家貧火葬火
熾高便躍入火中姑救出之高恨不得從夫地下取
夫骨齒吞之父母驚異而昧其志相謂言疾嫁耳遲